



UPA 2015/63

24/03-2015

Michael Rosing

Inatsisartut aalajangiiffigisassaattut siunnersuut Naalakkersuisut peqquneqassasut Nukissiorfinnut nalunaaruteqaqqullugit, akinut suliffeqarfiup allattorsimaffiani allaqqasut allanngortinneqassasut, siunissami ima allassimalerluni innaallagissamut atuisut nunami aalisakkanik suliffissuarnut innaallagissamut akikillisaaffigisaraat aammalu imermik atuisut nunami aalisakkanik suliffissuarnut imermik akikillisaaffigisarai, maannakkutut ikkunnaarluni Nuummiunerusut ataatsimoorullugu kiassarnermik atuisunit akilerneqartarunnaarsillugit.

(Inatsisartunut ilaasortat Siverth K. Heilmann aamma Steen Lynge, Atassut)

(Siullermeenera)

Demokraatini tunngaviusumik isumaqarpugut assigiinngitsunik qaleriaanik tapiissuteqaqattaarneq nunatta aningaasarsiorneranut iluaqutaanngitsoq. Taamatut tapiisaqattaartarneq pissutigalugu assersuutigalugu aalisakkanik tunisassiornermi aningaasartuutiviit iluamik takuneqarsinnaanngillat.

Siunnersuummi uani siunertaavoq qaleriaanik tapiissuteqarnermi periutsip allanngortinnissaa, naapertuunnerusunngorlugu. Qularunnaanngilagulli periusissaq siunnersuutigineqartoq ilumut naapertuunnerunersoq, aamma itigartinnngilarput taamaattoqarluarsinnaanera. Isumaqarpugulli eqqarsaatigilluakkamik aalajangernissatsinnut naammattumik tunngavissaqarata.

Taamaattumik inassutigaarput siunnersuut ataatsimiititaliami susassaqartumi oqaluuserineqassasoq ajornartorsiut qaqilerluaqqullugu.